

**AMANDMANI UDRUŽENJA POSLODAVACA U FBiH NA  
PRIJEDLOG ZAKONA O IZMJENAMA I DOPUNAMA ZAKONA O REGISTRACIJI POSLOVNIH  
SUBJEKATA**

**Amandman I**

Član 2. kojim se uvodi novi član 15 a), briše se.

**O b r a z l o ž e n j e**

U postojećem Zakonu o privrednim društvima ne postoji takav oblik organizovanja poslovnog subjekta, tako da se ovim zakonom ne može predvidjeti registracija nečega što pravno ne postoji. Tačno je da u proceduri Nacrt novog ZoPDi konačni tekst nakon djelovanja poslanika i delegata u ovom trenutku niko ne zna.

Zato predlažemo da ukoliko usvojeni novi ZoPD bude predviđao takav oblik djelovanja a po našem mišljenju, ne bi trebao, tada se ove Izmjene i dopune trebaju uskladiti sa Novim ZoPD.

**Amandman II**

U Članu 4. kojim se mijenja član 22. Zakona u stavu 1. alinji 2. riječi „notarski obrađeni“ se brišu.

U istom članu u stavu 1. alineji 3. riječi „notarski utvrđen“ se brišu.

U istom stavu alineje 7. i 8. i 10 se brišu.

Alineja 9. postaje alineja 7.

Iza stava 1. dodaje se stav 2. koji glasi:

(2) Registracijski sud će po službenoj dužnosti, ako smatra da je to potrebno, pribaviti:

1) izvod iz odgovarajućeg javnog registra kojim se dokazuje vlasništvo nad ulogom u stvarima i pravima, odnosno prijava za odgovarajući javni registar, i nalaz ovlaštenoga sudskog vještaka kojim se utvrđuje vrijednost uloga u stvarima i pravima;

2) odgovarajuće odobrenje Komisije za vrijednosne papire Federacije Bosne i Hercegovine (u daljnjem tekstu: Komisija za vrijednosne papire) i Registra vrijednosnih papira Federacije Bosne i Hercegovine (u daljnjem tekstu: Registar vrijednosnih papira), ukoliko je to propisano posebnim zakonom;

3) odobrenje nadležnog organa u skladu sa članom 46. ovoga Zakona.

Stav 2. postaje stav 3.

**Tako da član 4. Zakona o izmjenama i dopunama sada glasi:**

**Član 22. mijenja se i glasi:**

„Član 22.  
Registarske isprave

(1) Za potrebe utvrđivanja i provjere općih i posebnih podataka koji se prilikom osnivanja poslovnog subjekta ili izmjena podataka od značaja za pravni promet obavezno unose u registar, u ovisnosti od predmeta upisa, registarski sud zahtijevat će podnošenje sljedećih isprava:

- 1) ovjereni potpis lica ovlaštenog za zastupanje na obrascu prijave za registraciju predviđenom za sud u štampanom obliku;
- 2) akt o osnivanju ili akt o izmjenama općih podataka od značaja za pravni promet već osnovanog, odnosno registriranog subjekta upisa kojim se utvrđuje osnivanje, odnosno izmjena bitnih podataka;
- 3) statut poslovnoga subjekta;
- 4) odluku o imenovanju lica ovlaštenog za zastupanje u unutarnjem i vanjskotrgovinskom prometu, ako nije imenovana aktom o osnivanju;
- 5) potvrdu banke o izvršenoj uplati na privremeni račun deponovanih novčanih uloga kojom se utvrđuje visina uplaćenog kapitala u novcu;
- 6) dokaz o sredstvima osiguranja za neuplaćeni iznos novčanog dijela osnivačkog uloga kod jednočlanog društva kapitala;
- 7) dokaz o sredstvima osiguranja za neuneseni dio nenovčanoga uloga kod jednočlanog društva kapitala;

(2) Registracijski sud će po službenoj dužnosti, ako smatra da je to potrebno, pribaviti:

- 1) izvod iz odgovarajućeg javnog registra kojim se dokazuje vlasništvo nad ulogom u stvarima i pravima, odnosno prijava za odgovarajući javni registar, i nalaz ovlaštenoga sudskog vještaka kojim se utvrđuje vrijednost uloga u stvarima i pravima;
- 2) odgovarajuće odobrenje Komisije za vrijednosne papire Federacije Bosne i Hercegovine (u daljnjem tekstu: Komisija za vrijednosne papire) i Registra vrijednosnih papira Federacije Bosne i Hercegovine (u daljnjem tekstu: Registar vrijednosnih papira), ukoliko je to propisano posebnim zakonom;
- 3) odobrenje nadležnog organa u skladu sa članom 46. ovoga Zakona.

(3) Odredbe stava 1. tačke 1) ovoga člana primjenjuju se kod upisa osnivanja svih oblika privrednih društava, kao i kod upisa promjene podataka koji se tim ispravama dokazuju, osim ako je njihova primjena izričito isključena ovim Zakonom.“.

## **O b r a z l o ž e n j e**

Uvođenje obaveze notarske ovjere određenog broja akata, predstavlja klasičan parafiskalni namet za poslodavce. Naime materijalnim zakonom se uvede određena nadležnost za postupanje određenog organa, u ovom slučaju notara, a na osnovu toga poslodavac mora da plaća tu obavezu. U ovom slučaju sasvim otvoreno treba reći da je takva odredba unijeta u zakon da bi se pogodovalo notarima.

Ukoliko predlagač zakona bude tvrdio da su te obaveze utvrđene u nekom drugom, materijalnom zakonu, to nije dovoljno dobra argumentacija po našem mišljenju, jer se u tom slučaju radi o pravnom pleonazmu. Znači nije potrebno prepisivati odredbe iz jednog zakona u drugi, niti je to potrebno, jer se zakon svakako mora poštovati. To samo pravi problem u slučaju promjene materijalnog zakona, jer se uz njega mora mijenjati i procesni ili provedbeni zakon.

Konsultujući praksu susjednih i većine EU zemalja, utvrdili smo da je većinska praksa da se ne spominju notarski ovjereni dokumenti nego samo notarski ovjereni potpisi.

Uostalom ovo je test za sve predstavnike političkih stranaka jer je ovo najlakši i najbezbolniji način ukidanja parafiskalnog nameta, a da budžet ili vanbudžetski fondovi ne trpe štetu. Znači radi se o Win-Win kombinaciji u kojoj niko ne gubi.

Uz navedeno potrebno je obrazložiti i uvođenje novog stava 2. ovog člana.

Naime stepen birokratizacije našeg društva je nevjerovatno veliki. Pojedinci i poslodavci izloženi su potpuno nepotrebnom, trošenju vremena i novca, vađenjem i ovjeravanjem velikog broja dokumenata, umjesto da ih državni organi prikupljaju od drugih državnih organa službenim putem.

Ukoliko se uvažavaju naši amandmani koje smatramo opravdanim podići će se konkurentnost naše privrede. Proceduru za registraciju je potrebno uprostiti a ne usložiti i poskupiti.

## **Amandman III**

U članu 5. kojim se mijenja član 23. u stavu 1. brišu se tačke 2. 3. 4. i 5.  
Tačke 6.7. i 8. postaju 2.3. i 4.

### **Član 5. Zakona o izmjenama i dopunama Zakona sada glasi:**

U članu 23. stav 1. mijenja se i glasi:

„ (1) Uz prijavu za upis osnivanja dioničkog društva pored ostalih, podnose se i sljedeće isprave:

- 1) isprave propisane članom 22. Stav 1. Tačka 1.
- 2) potvrda banke o uplati osnivačkog kapitala u novcu, odnosno dokaz o novčanoj vrijednosti stvari i prava unesenih u društvo;

- 3) odluka o imenovanju lica ovlaštenog za zastupanje, ako nije imenovano aktom o osnivanju;
- 4) ovjeren potpis lica ovlaštenog za zastupanje.“

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

#### **Amandman IV**

U članu 6. kojim se mijenja člana 24. u stavu 1. tačke 2. i 3. brišu se.

Dosadašnje tačke 4.-8. postaju tačke 2.-6.

#### **Tako da novi član 6 glasi:**

U članu 24. stav 1. mijenja se i glasi:

„(1) Uz prijavu za upis u registar osnivanja banke ili druge finansijske organizacije pored ostalih, podnose se i slijedeće isprave:

- 1) isprave propisane članom 22. stav 1. tačka 1) ovog Zakona;
- 2) rješenje Agencije za bankarstvo Federacije Bosne i Hercegovine (u daljnjem tekstu: Agencija za bankarstvo) o izdavanju dozvole za rad kao i saglasnost na akt o osnivanju i statut, odnosno isprave predviđene drugim zakonima Federacije;
- 3) dokaz da su uplaćena novčana sredstva na privremeni račun kod banke;
- 4) akt o imenovanju direktora ili vršioca dužnosti direktora;
- 5) ovjeren potpis lica ovlaštenog za zastupanje;
- 6) dokaz da su osnivači banke sredstva u nenovčanom obliku stavila na raspolaganje banci.“

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

#### **Amandman V**

U članu 7. Tačke 2. i 3. brišu se.

Dosadašnje tačke 4.-8. postaju tačke 2. do 6.

#### **Tako da novi član 7 glasi:**

„ U članu 25. stav 1. mijenja se i glasi:

„(1) Uz prijavu za upis u sudski registar osnivanja dioničkog društva za osiguranje prilažu se:

- 1) isprave propisane članom 22. stav 1. tačka. 1) ovog Zakona;
- 2) dozvola nadležnog organa za rad društva, odnosno druge isprave propisane drugim zakonom Federacije;
- 3) akt o imenovanju direktora ili vršioca dužnosti direktora;
- 4) ovjeren potpis lica ovlaštenog za zastupanje;

- 5) dokaz o deponovanim novčanim sredstvima na privremeni račun;
- 6) dokaz o ulozima u stvarima i pravima.“

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman VI**

U članu 8. Tačka 2. briše se.

Dosadašnje tačke 3.-5.postaju tačke 2.-4.

#### **Tako da novi član 8 glasi:**

„U članu 26. stav 1. mijenja se i glasi:

„(1) Uz prijavu za upis u registar osnivanja društva sa ograničenom odgovornošću prilažu se sljedeće isprave:

- 1) isprave propisane članom 22. stav 1. tačka. 1) ovog Zakona;
- 2) potvrda banke o izvršenoj uplati kapitala u novcu odnosno dokaz o novčanoj vrijednosti stvari i prava unesenih u društvo;
- 3) odluka o imenovanju lica ovlaštenog za zastupanje ukoliko nije imenovano aktom o osnivanju;
- 4)ovjeren potpis lica ovlaštenog za zastupanje“.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman VII**

#### **Iza član 8. dodaje se član 9. koji glasi:**

„Član 27. Mijenja se i glasi:

Uz prijavu za upis u registar osnivanja društva s neograničenom solidarnom odgovornošću i komanditnog društva prilažu se sljedeće isprave:

- a. akt o osnivanju;
- b. potvrda banke o uplati novčanog uloga na privremeni račun, odnosno dokaz o tome da su stvari i prava stavljene na raspolaganje društvu ukoliko je predviđena uplata novca, odnosno unošenje stvari i prava u društvo aktom o osnivanju;
- c. ovjeren potpis osobe ovlaštene za zastupanje.

## **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman VIII**

Član 13 kojim se dodaje član 32a. Mjenja se i glasi:

**Član 13. briše se.**

## **O b r a z l o ž e n j e**

Kao što smo prethodno naveli u postojećem ZoPD, ne postoji takav oblik organizovanja poslovnog subjekta, tako da se ovim zakonom ne može predvidjeti registracija nečega što pravno ne postoji.

Tačno je da u proceduri Nacrt novog ZoPDi konačni tekst nakon djelovanja poslanika i delegata u ovom trenutku niko ne zna.

Zato predlažemo da ukoliko usvojeni novi ZoPD bude predviđao takav oblik djelovanja a po našem mišljenju, ne bi trebao, tada se ove Izmjene i dopune trebaju uskladiti sa Novim ZoPD.

### **Amandman IX**

Član 15. Briše se. Kao i član 20. Zakona o izmjenama i dopunama Zakona o registraciji pravnih subjekata (Sl. Novine 43/09).

## **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana

## **Amandman X**

Član 16. Zakona o izmjenama i dopunama mijenja se i glasi:  
„U članu 38. stav 3, članu 39. st. 4. i 6, članu 40. stav 1. članu 41. stav 1. članu 42, članu 43.  
riječi: “notarski obrađen” brišu se.

## **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana

## **Amandman XI**

### **Član 17. Izmjena i dopuna mijenja se i glasi:**

U članu 39. u stavovima 1. 2. 3. i 5. Riječi “notarski obrađena” brišu se.

U istom članu iza stava 6. dodaje se novi stav 7. koji glasi:

„(7) Ukoliko se promjene iz ovog člana vrše izmjenama osnivačkog akta, uz prijavu za upis promjena u registar, prilaže se izmjena i/ili dopuna osnivačkog akta.“.

## **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

## **Amandman XII**

Iza člana 57. dodaje se novi član 57. a), koji glasi:

„ Postupak po zahtjevu za registraciju poslovnih subjekata je hitan.

O zahtjevu za upis u registar prvostepeni sud je dužan da odluči u roku od 15 dana.

Ukoliko se na prvostepeno rješenje uloži žalba, drugostepeni sud je dužan da je riješi u roku od 30 dana.“

## **O b r a z l o ž e n j e**

Registarcija privrednih društava u FBiH, traje neopravdano dugo. Prosječno vrijeme trajanja prvostepenog postupka je oko 50 dana. Zbog toga predlažemo da se postupak ubrza i pošalje pozitivan signal investitorima.